



OIARTZUNGO  
UDALA

## AUZO BILERAK 2023

**AUZO:** ARRAGUA

Data	Hasiera ordua	Bukaera ordua
2023/10/16	19:00	21:10

**BILDUTAKOAK:**

<b>Udal ordezkariak:</b>	Joana Mendiburu, Aiako Harria Gaztelumendi, Agustin Lekuona eta Edorta Fernandez		
<b>Herritarrak: 34</b>	Euskaraz: 30	Elebitan: 4	
	Emakumezkoak: 14	Gizonezkoak: 20	
	<30 urte: 0	31-50 urte: 14	51-65 urte:6

**AKTA:**

Gaia	Ekarpena eta iruzkinak
<b>Aurkezpena</b>	Batzarrean zehar landuko den gai zerrenda azaldu da.
<b>Legealdirako proiektuak</b>	<p>Lan ildo nagusi edo estrategikoen berri eman dugu</p> <p><b>ABIAPUNTUA</b></p> <ol style="list-style-type: none"><li>1) Aurreko legealdietatik jaso duguna oso baikorra izan da, eta horrek lagundu egiten du: herriak udalean duen konfiantza, zorrik gabeko udala izatea, talde polita sortu dugu, teknikariek zinegotzietatik izan duten harrera oso ona izan da. Proiektuen aldetik ez gara zerotik hasi, aurreko taldeak egindako lanaren jarraipena egingo dugu.</li><li>2) Herritarrekin lan egiteko formula berriak bilatu behar ditugu, abiapuntua auzolana izango litzateke, UDALGINTZA HERRIGILEA, arriskuak aukera bihurtzeko udal politika. Herritarrak dira protagonista, udalak baliabideak jartzen ditu, baina ondoren sektore ekonomiko bat egon behar da bultzada emango diona.</li><li>3) Hauteskundeak irabazi ditugu, eta programan hitz emandakoa bete egin behar dugu.</li></ol>



OIARTZUNGO  
UDALA

- 4) Krisi egoera orokor batean gaude, baina horren aurrean Oiartzundik bertatik egoerari buelta ematen hasi beharko genuke

#### **LEGEALDI PLANA**

3 lan-lerrotan banatuta dago: herritarrak (ongizatea, kultura, euskara, ongizatea...), lurraldea (lurraren zein herriaren antolaketa) eta antolaketa (udaletxearen funtzionamendua eta zein giza-baliabide dituen)

#### **LAN ILDO ESTRATEGIKOAK**

- 1) ELIKADURA BURUJABETZA: gaur egun, udalak laguntzen dituen hainbat egitasmo daude martxan. Udalak hasierako bultzada eman die elkarte hauei, eta ondoren beren bidea egin dute. Herriko lurrak erosten jarraituko dugu 1.sektorea bultzatzeko, herriko sukaldeak hornitu nahi ditugu herrian bertan ekoizitako jakiekin (herriko ikastetxeak, zahar etxea...). Herrian badaude ekimen ugari beren kabuz proiektuak bultzatzen ari direnak, baina ez dute foro komunik elkarlanean aritzeko.
- 2) ENERGIA BURUJABETZA: sortu berri da Argitturri kooperatiba (hiruki horren parte den zutabe sozioekonomikoa). Udal mailan zein herri mailan neurriak hartu behar dira klima aldaketa dela-eta.
- 3) MUGIKORTASUN JASANGARRIA: herrian ohiturak aldatzen hasi behar dugu. Bizikletak lehenesteko plana egiteko asmoa dago (aparkalekuak...). Beste asmo bat da Arraguan intermodala eskatzea, oiartzuarrok aukera izan dezagun Euskal Herriko hainbat lekutara joateko: Gasteiz, Bilbo, Iruñea...
- 4) OSASUNA ETA ZAINTZA: Zaintzadi programaren inguruan hitz egin dugu, bakardade ez hautatuan dauden herritarrak laguntzeko egitasmoa da. 22 herritarrek eman dute dagoeneko izena ekimen honetan. Zaintzadiren ideia da udalak laguntzea, baina herritarren sare baten laguntzarekin batera. Zaintza askotan osasun arazoak konpontzearekin lotuta egoten da, baina udalaren ardura da bizitza aktiboa sustatzea, bakardadeari laguntzeko modua ere baita horrelako ekimenak antolatzea.



OIARTZUNGO  
UDALA

	<p>5) <b>KULTURA EUSKARAZ:</b> bizi ditugun garaiek euskalgintza hauspotzeko beharra erakusten dute (etorkinak, euskararen aurkako erasoak...). Landetxe dagoeneko eraiki dugu, eta orain kultura plana egiteko momentua da. Gazte sortzaile ugari dugu herrian. Irakurzaletasuna sustatzeko aukera berriak aztertuko ditugu. Ondarea balioan jarriko dugu, eta udalaren lokalak eskura jarriko ditugu herriko kultur-sorkuntza bultzatzeko.</p> <p><b>LEGE GINTZALDIAN MARTXAN DIREN ETXEBIZITZA SUSTAPENAK:</b> Altzibar zein Iturriozko promozioen berri eman da. Elizaldeko Urkabe Baitako eremuaz hitz egin da. Babes ofizialekoetan interesa izanez gero, Etxebiden eman behar da izena, eta Altzibarreko tasatuetarako urriko plenoan irekiko da izena emateko epea.</p> <p>Udal etxebizitza bulegoaren inguruko informazioa eskaini da.</p> <p>Herritarrek Ormazabal inguruko eraikuntza proiektua zertan den galdetu dute</p> <p><b>UDAL ORDENANTZEN IGOERA:</b> %1,5 igoko dira tasak. Udalak sekulako ahalegina egin du azken urteetan ez igotzeko. Hala eta guztiz ere, KPIa baino gutxiago igo dugu gure herrian, azken batean, oreka bilatu behar dugu kalitatezko zerbitzuak izateko.</p>
<p><b>2024ko aurrekontu aurreikuspena</b></p>	<p><b>AURREKONTUA</b></p> <p>Lan ildo eta erronka hauentzat 20.200.000 euro ditugu. Arloz arlo ondorengo izango da banaketa: Herritarren arloak %49, lurraldeak %36 eta antolaketak %15.</p> <p>Honakoak izango dira <b>inbertsio nagusiak:</b> mugikortasuna (bidegorri sarea, aparkaleku seguruak), energia (efizientzia energetikoan pausuak eman, energia berriztagarrien instalazioak), liburutegia birdiseinatu, herritarrentzako arreta gune bakarra jarri udalean, futbol zelai artifizial berria, udal eraikinen</p>



OIARTZUNGO  
UDALA

	<p>mantenua, hirigintza (Urkabe baitako etxeak eta Altzibarko promozioa), kulturgintza (kultura plana landu eta Landetxe erreferente bihurtu), ongizatea (bazterkeria egoeran dauden pertsonentzako eguneko zentroa).</p>
<b>Auzoa</b>	<p>-Hondarribia eta Irundik Donostiako Ospitalera zuzen doan autobusa dago, Oiartzundik ezin da bat zuzenean jarri? Oarsoaldeko herri bakarra gara?Udalak erantzun du autobus zuzenaren eskaera egin zela eta aldundiak ez zuela onartu. Gehitu du martxan dagoela Oretatik zuzenean doana Oiartzundik pasatzeko proiektua. Aldundiak lehiaketara atera behar du eta ondoren jarriko litzateke martxan.</p> <p>-Inbertsioei dagokienez, futbol zelaiarekin, Europar batasunak zelai artifizialak debekatuko dituela ea badakigun galdetu dute. Udalak erantzun du jakinaren gainean gaudela eta debekua zelai mota batentzat bakarrik izango dela (kautxo beltza dutenentzat). Hala ere, informazioa kontuan izango dela jakinarazi da..</p> <p><b>-Arraguako promozioa:</b></p> <p>-Obrak gauzatzeko denbora falta da oraindik, (urte bat edo bi). Gailur enpresa sartu da orain eta badirudi aurrera doala, baino zerbait argia dagoenean jakinaraziko da eta auzora etorriko gara berriro ongi azaltzera. Dakiguna da salerosketa libreko etxebizitzet gain, VPO eta Tasatu asko doazela bertan.</p> <p><b>AUZOKO ATALA</b></p> <p><b>Kalean kirola edo ariketa fisikoa egiteko makinak eskatu ziren, eta jarri dira, baino batzuk ezin dituzte erabili pedalak urruti geratzen direlako eta ez dira eroak, finkoak baitira, bestalde errepidetik gertu daude eta kontaminazioa, soinua etab... dutenez, ez dira atseginak.</b></p> <p>Udalak erantzun du kokalekua erabakitzerakoan beste eremuak libre uzteko helburuarekin aukeratu zela, eta agian begiratu daitekeela. Hobetzeko, beste makinaren bat jartzea edota eserlekuak mugitzeko aukera dutenak jartzea kontutan hartuko da.</p>



OIARTZUNGO  
UDALA

**Goiko parkean (jarri berri denean) zuhaitzak asko handitu dira, kimatzeko eskatu da erortzeko arriskua ikusten delako inguruko etxeetatik. Eskaera sartu da eta jasotako erantzunak desatseginak ere izan dira.**

Udalak aztertuko duela eta arriskua zein den ikusiko duela esan du, hala ere, aldaketa klimatikoarekin itzal puntuak beharko dira etorkizunean eta hori ere kontutan izango dela jakinarazi du.

**Topo azpiko kanastak daude. Bitako batean, goitik (Euskotren) ur "via" bat erortzen da eguraldi txarra dagoenean eta ezin da bertatik pasa ere egin, arriskutsua jartzen da.** Udal langileak ikustera pasako dira eta Euskotrenekin ere hitz egingo da, aztertzeko.

**Autopistako irteeran, kamioiak sartzen jarraitzen dute, auzora sartu, kotxeak jo, etab... Edozein egunetan etxe barrura sartuko dira. Agian kartela, rotondakua eta abar gorago igo edo.** Udalak jakinarazi du gaiak ez duela irtenbide erreza. Galiboak jarri dira eta argizatutako seinaleak ere jarri dira. Arazoa aztertzen jarraituko dugu.

**Lanbarreneko poligonora ezin da autopistatik irteera bat egin?**

Plan sektorial bat dagoela erantzun du udalak, etorkizunean burutuko dena (luze doa) eta plan hau udalaren gaineratik dagoenez, gaia bere horretan ez dago gure esku.

**Honekin lotuta, goizero eta arratsaldero (lanerako sartu-irteera ordutan) trafiko arazoak sortzen dira, ezin da auzotik sartu edo atera.** Aurrez aipatutako Plan sektorial hori gauzatu arte irtenbide zaila du arazoak.

**Goiko partean, espaloia bukatzen da eta karretera da dena, bertan kotxeak abiaduran pasatzen dira. Ganboxa-Larrezabaleta kaleetan abiadura handian ibiltzen da jendea, Orain gainera Arkaleko bidea itxita egonik, ehiza eskolara todoterreneoekin etab. Abiadura handian pasatzen dira. Agian oztopoak, limiteak, seinaleak jarri daitezke, haur eta helduentzat batez ere, oso arriskutsua da.** Udalak begiratuko duela jakinarazi du. Hala ere adierazi du,



OIARTZUNGO  
UDALA

oztopoak jartzean beste bizilagun batzuk ere kexak jartzen dituztela kentzeko eskatuz. Agian seinaleetika lan bat egin daitekeela esan da, oinezkoentzat den zatia margotuz jendeak abiadura murrizteko, gai aztertuko da.

**Lanbarrenen kamioiekin arazoak daude, ez dute lekurik.** Udala egoeraz jakitun da, mahai bat sortu du enpresekin eta udaltzaingoarekin batera gaia lantzeko.

**Panelak jarri dira autopistan baino ez du balio, ez dute beren funtzioa guztiz betetzen.** Transmittituko du udalak hau Aldundian.

**Ganboxa kaleko parkin berrian STOP bat dago, baino askotan, batez ere anbulantzia, furgoneta edo autokarabanak baldin badaude, ez da ikusten. Gainera abiadura handian datoz kotxeak, ea ispilu bat edo jarri daitekeen eskatu da, istripu bat gertatu aurretik.** Udalak lekua ikusiko duela esan du eta nola egin daitekeen aztertuko duela.

**Estankoko plazan kotxeak aparkatzen dira, espaloian gainean, edo denboraz mugatuta diren plazetan, eta hor uzten dira (azkena 5 egunez) Udaltzainek ez dute erantzuten, jendeari esan, eta erantzun egiten dute.** Gaia aztertuko duela jakinarazi du Udalak. Udaltzainekin batera proposamen bat egingo du.

**Auzotar batek hausnarketa bat egiten du, Udalari eskatu eta eskatu ari gara, baina gu, auzotarrak gara azkar pasatzen garenak. Arratoiak daude gure utzikeriagatik, organikoa hor uzten dugu jaso gabe, etab... Eremu gutxi ditugu hurrekin jolasteko eta belar gune gehienak kakaz beteak ez dugulako arduraz jokatzeko, ez ditugu jasotzen eta ez dugu elkar errespetatzen.**

**Lapurretak daude goiko partean, 2 hilabete ez dira pasa eta lapurretak berriro ere.** Udaltzaingoekin hitz egingo da adi egon daitezela.

**Poligonoan (beheko torreak eta etxeak) portal zenbaki bat ematea eskatzen da. Arazoak daude paketeak, kartak etab...jasotzeko. Anbulantziari deituta ere arazoak. Izen aldaketarekin hasi ziren arazoak. Zergatik aldatu zen?.**



OIARTZUNGO  
UDALA

**Bizilagun guztiek (komunitateak) eskatu duela zenbaki bat emateko.** Udalak jakinarazi du orain aldatzeko nahia balego ez dela komunitate bezala egin behar, bizilagun bezala baizik. Norbanako bakoitzak oniritzia eman behar du segurtasun juridikoa edukitzeko. Udalak esan du ez dakiela zein den aldaketaren arrazoa baina informazioa bilduko duela.

**Gimnasia egiteko lokal bat helduentzat.**

Lokala, berez, bilera egin den hau da (Aldeguna elkartean gainekoa). Ulertzen dugu HELTA ko ekintzaren bat edo ekartzeko aukeraz ari garela, aztertu daiteke, jende kopuru bat badago eskatzen duena, beste auzotara joaten diren bezala, arraguan ekintzaren bat egitea gauzagarria izan daiteke.

**Belar mozketekin ea zer pasatzen den, bi hilabetetik behin, batzuetan moztu eta jaso, albotatik desbrozadorekin pasa gabe txukun uzteko...**

Udalak informatu du enpresarekin duen kontratua ez dela aldatu. Beste auzotan ere kexak egon direla jakinarazi du eta gaia aztertuko dela esan du.

**Non dago jasota ze belar den udalak moztu behar duena eta zein ez? Etxe ondoan duten belar eremu bat ez da moztu, eta belarra moztu dutenek esan diete zati hori ez dutela egin behar.**

Udaleko Hirigintza sailean dago jasota irizpide hori. Informazio hau partekatuko da.

**Mendinerako bidean, goitik, putzu bat egiten da kurban, beti dago, ez da eguraldi txarrarekin bakarrik.**

Ikuskatzera pasako dela jakinarazi du Udalak.

**Poligonoan 2 etxebizitza egin ziren lokal batetik eta badituzte pertxak hondakinak uzteko? Zaborra botatzen dute, dena errefusa...**

Aztertzerara pasako dela jakinarazi du Udalak.

**Organikoaren poltsarekin arazoak, konpostagarria da baino ez dute jasotzen, plastiko itxura du baino konpostagarria da. Batzuetan bai besteetan ez.**



OIARTZUNGO  
UDALA

	Hilabetero biltzen da udala enpresarekin eta arazo hau bilerara eramango dela jakinarazi du Udalak.

**BALORAZIO ORRIA:**

Hizlariak: bileran zehar emandako azalpenak	7,84
bilera ongi gidatu da	7,79
Bileran erabili den metodologiaren egokitasuna	7,16
Auzotar kopurua	6,33
Auzotarren partehartzea (ekarpenak egiten)	7,44
Saioa probetxugarria izan al da?	7,37
Egunaren egokitasuna	7,89
Orduaren egokitasuna	8,22
Lekuaren egokitasuna	7,47